

JAMHURI YA MUUNGANO WA TANZANIA

BUNGE LA TANZANIA



ORODHA YA SHUGHULI ZA LEO

MKUTANO WA KUMI NA MOJA

KIKAO CHA HAMSINI NA MBILI

18 JUNI, 2018



ORODHA YA SHUGHULI ZA LEO

MKUTANO WA KUMI NA MOJA

KIKAO CHA HAMSINI NA MBILI– TAREHE 18 JUNI, 2018

I. DUA:

II. HATI ZA KUWASILISHA MEZANI:

MWENYEKITI WA KAMATI YA BAJETI:

Taarifa ya Kamati ya Bajeti kuhusu Hali ya Uchumi wa Taifa kwa Mwaka 2017 na Mpango wa Maendeleo wa Taifa kwa Mwaka wa Fedha 2018/2019 pamoja na Tathmini ya Utekelezaji wa Bajeti ya Serikali kwa Mwaka wa Fedha 2017/2018 na Mapendekezo ya Mapato na Matumizi ya Serikali kwa Mwaka wa Fedha 2018/2019.

III. MASWALI:

OFISI YA RAIS (TAMISEMI):

438. MHESHIMIWA MENDRAD LUTENGANO KIGOLA (MUFINDI KUSINI):

Atamuuliza Mheshimiwa Waziri wa Nchi, Ofisi ya Rais (TAMISEMI):-

Je, ni lini Serikali itapeleka gari ya kuwahudumia Wagonjwa katika Kituo cha Afya cha Magunguli – Mgololo.

439. MHESHIMIWA DESDERIUS JOHN MIPATA (NKASI KUSINI):

Atamuuliza Mheshimiwa Waziri wa Nchi, Ofisi ya Rais (TAMISEMI):- Serikali imetumia zaidi ya Tshs. milioni 350 kuimarisha barabara ya Namanyere – Ninde yenye urefu wa km 67 lakini fedha hazikutosha kukamilisha barabara hiyo:-

Je, Serikali itatenga fedha zaidi kukamilisha barabara hiyo.

OFISI YA RAIS (UTUMISHI NA UTAWALA BORA):

440. MHESHIMIWA RUTH HIYOB MOLLEL (VITI MAALUM):

Atamuuliza Mheshimiwa Waziri wa Nchi, Ofisi ya Rasi (Utumishi na Utawala Bora):- Serikali ya Awamu ya Tano inajinasibu kuzingatia Utawala wa Sheria, Kanuni na taratibu katika Utumishi wa Umma. Hata hivyo, kuna ushahidi kuwa baadhi ya Viongozi wanakiuka maadili na taratibu lakini wameachwa pasipo kuchukuliwa hatua zozote za kinidhamu:-

- (a) Je, tunaweza kujenga uchumi imara bila Watumishi wa Umma kuzingatia Kanuni na Sheria za Utumishi wa Umma;
- (b) Je, Serikali ina mkakati gani kuhakikisha Taifa linadumisha umoja ulioasisiwa na Baba wa Taifa.

WIZARA YA ELIMU, SAYANSI NA TEKNOLOJIA:

441. MHESHIMIWA MARY DEO MURO (VITI MAALUM):

Atamuuliza Mheshimiwa Waziri wa Elimu, Sayansi na Teknolojia:- Uanzishaji wa Vyuo vya Ufundi ulilenga kuwapatia Elimu ya Vitendo hasa Vijana wetu. Lakini Chuo cha Ufundi Kibaha kilicho chini ya Shirika la Elimu Kibaha hakina vifaa wala miundombinu ya kujifunzia.

Je, Serikali ina mpango gani wa kupeleka vifaa pamoja na kufufua miundombinu katika Chuo hicho.

442. MHESHIMIWA MUHAMMED AMOUR MUHAMMED (BUMBWINI):

Atamuuliza Mheshimiwa Waziri wa Elimu, Sayansi na Teknolojia:- Kwa kuwa huu ni wakati wa Sayansi na Teknolojia na Vijana wetu wamekuwa wakizitafuta *syllabus* za Masomo mbalimbali madukani bila mafanikio:-

Je, Serikali haioni kuwa huu ni wakati muafaka wa kuziweka *syllabus* hizo mtandaoni.

WIZARA YA HABARI, UTAMADUNI, SANAA NA MICHEZO:

443. MHESHIMIWA AYSHAROSE NDOGHOLI MATTEMBE (VITI MAALUM):

Atamuuliza Mheshimiwa Waziri wa Habari, Utamaduni, Sanaa na Michezo:- Sanaa ya Maigizo na muziki ni miongoni mwa Sekta zinazochangia asilimia kubwa ya Vijana kujiajiri lakini kuna Vyu vichache Nchini vinavyotoa Elimu hiyo ya sanaa ya Muziki na Maigizo ambavyo ni Chuo cha Sanaa Bagamoyo na Chuo Kikuu cha Dar es Salaam huku masharti yake yakiwa ni changamoto kwa Vijana wa Mikoani:-

Je, Serikali ina mpango gani wa kuanzisha matawi ya Vyu hivyo kwenye Kanda ama Mikoa ili kuongeza fursa zaidi kwa Vijana.

WIZARA YA MAJI NA UMWAGILIAJI:

444. MHESHIMIWA MARTIN MTONDA MSUHA (MBINGA VIJINI):

Atamuuliza Mheshimiwa Waziri wa Maji na Umwagiliaji:-

Je, Serikali itakamilisha lini mradi wa kusambaza maji kwa Wananchi waliopo pembezoni mwa

bomba kuu litokalo Ruvu Juu hadi Dar es Salaam hususan Wananchi wa Kata za Kwembe, Mbezi, Kibamba, Msigani na Saranga.

445. MHESHIMIWA STEPHEN HILLARY NGONYANI (KOROGWE VIJINI):

Atamuuliza Mheshimiwa Waziri wa Maji na Umwagiliaji:- Serikali ilitenga Sh. bilioni 13 kwa ajili ya ujenzi wa Bwawa la Mkomazi lakini baadaye Serikali ilihamishia fedha hizo Mkoa mwingine:-

- Je, Serikali ina mpango gani wa kurudisha fedha hizo ili Bwawa lililokusudiwa lijengwe.

446. MHESHIMIWA DEO KASENYENDA SANGA (MAKAMBAKO):

Atamuuliza Mheshimiwa Waziri wa Maji na Umwagiliaji:- Mji wa Makambako unakabiliwa na tatizo kubwa la maji kutokana na ongezeko la watu; na Mheshimiwa Rais wakati wa kampeni aliahidi kuanza kwa ujenzi wa mradi wa maji na kazi ya usanifu wa mradi huo imeshafanyika:-

Je, ni lini sasa ujenzi wa mradi huo wa maji utaanza.

IV. MISWADA YA SHERIA YA SERIKALI:

(Kusomwa Mara ya Kwanza)

Muswada wa Sheria ya Fedha wa Mwaka 2018 (The Finance Bill, 2018).

V. HOJA ZA SERIKALI:

WAZIRI WA FEDHA NA MIPANGO:

Kwamba, Bunge likubali kujadili Hali ya Uchumi wa Taifa kwa Mwaka 2017 na Mpango wa Maendeleo wa Taifa kwa Mwaka wa Fedha 2018/2019.

Kwamba, Bunge likubali kupitisha Mapendekezo ya Serikali kuhusu Makadirio ya Mapato na Matumizi kwa Mwaka wa Fedha 2018/2019.

DODOMA
18 JUNI, 2018

S. KAGAIGAI
KATIBU WA BUNGE